

Коммунистрийн медрлнь өөдлв, шунмгъань өсв

Сарпинск районн парторганизацд партийн сургъулин джил төгсэд, дигнь кегдв. Эн джил 650 шаху коммунист, комсомольцнр болн партийн биш улс, сургъулин оли зүсн янзар авгдсн, эврәннь марксистск-ленинск медрлән өддүлдж йовцхав. Районд 23 кружок болн семинар кōдлджäv.

Сургъулин давсн джилд үзгдсн нег ончта темдгтә халхнь--кадрмуд тодрха экономик даслгънд ик соньмджан тавлгън болв. Иим болсн учрар, марксистск-ленинск теорий даслгън района өмн зөгсджах эдл-ахуг өргдж-өсклгънә төрмүд кӯцәлгънлә улм батар залгълддж кегдв.

Партийн болн советск актив куч-кōлснә гарцинь улм икдүлх хаалгъиг чикәр, гӯунәр меддж авхин тōләд КПСС-н райком эн сургъулин джилд экономическ конференц кев. „Совхозмудин гаргъджах продукция унинь кимдрүлгънә туск хаалгъ“ гисн төр кӯундгдв. Дакад эдл-ахун гардачнр болн эклц партийн организацисн сеглätрмүдин семинар хурагддж, тодрха экономика тускар докладс кӯундврт бас тавгдв.

Тодрха экономика туск төрмүд оли гардачнр дассн, эдн района өмн мал өсклгъяр, селәнә эдл-ахун продукция гаргългъиг икдүләд, унинь багъруллгъяр зөгсджах төрмүдиг кӯцәлгъиг чикәр кехднь ик дем болснь лавта ил үзгдв.

Районд зөвәр оли кадрмуд эврән бийснь теорий дасдж йовцхав. Эднд теоретическ лекцс умшгдв, тасрлтан угагъяр консультац өггддж бәäv.

Кружокст, политшколст болн семинарст батлгдсн пропагандастнр нургълдж даалгъвран кинән, сән кевәр кӯцәцхäv. Бүрдәмджтә, соньн кевәр занянь кегддж, сонъсачнрнь шунмгъагъяр орлцдж йовв гидж Ильич колхозин (пропагандастнрь үр А. Лященко), „Путь Ленина“ колхозин (пропагандастнрь үр М. Михайловский) политшколс, „Чапаев“ совхозин (пропагандастнрь үр П. Трофимов) өдгә цагин политик даслгъна кружок, „Степной“ совхозин (пропагандастнрь үр А. А. Медведев) тодрха экономик даслгъна кружок заадж болхмн.

Заагдсн политшколсин, кружоксин пропагандастнр занянь кехләрн карт, плакатс, диаграмм олзлдж, үзмджтә, сонъсачнрт тодрха сәәнәр медгдхәр дасхдж йовцхав. Газетст барлгдсн эдл-ахун сән дамшлтсиг тускиг авч, тангъгчин, района, колхозин, совхозин эдл-ахун өслтин туск төрмүдлә залгълдудж теоретическ төрмүдән дасцхав.

КПСС-н райкомин партийн сургъулин кабинет коммунистрийн политсургъульд дөнъгән кӯрглгъиг ясулв. Сургъулин джилин туршарт энүнд пропагандастнрт болн кружокцирт кертгә литератур болн нань чигн материал белдгдв, лекцс умшгдв, консультац бүрдәгдв.

Партийн сургъулин джилин дигәр кегдсн занянь, сурч йовсн улс нургълдж дасх зөвтә программан гӯунәр дасдж, бат медрл авцхасинь үзүлв.

Болв эклц парторганизацисн зәрм сеглätрмүд ода чигн коммунистрийн политсургъулиг сулар гардгинь темдглх кертгә. „40 лет Октября“ колхозд, „Степной“ совхозд, Багъ-Дөрвд селәнд өдгә цагин политик даслгъна кружокс муугъяр кōдлцхäv, сургъульднь таслвр гарад йовв, пропагандастнр үүрмүд Р. Текучев, М. Матвеев, И. Ткаченко даалгъвран сулар кӯцäv. Тер бийнь эн төр хурт, партбюрод кӯундврт тавгдсн уга.

Партийн сургъулин джил төгссн учрар, зуна цагт политическ кōдлмш делгрүлгън сулдад одх учр уга. Эклц партийн организацс ода сургъулин джилин дигиг хурт тавдж кӯундвр кегъад, шин джилд белдлгъ эклджәнә. Сургъулин ирх джилд теорий даслгъиг бүрдәхин туск кӯундвр болдж йовна.

КПСС-н райком ода колхозмудт, совхозмудт, учрежденьст, предприятисд зуна цагт лекционн пропаганд чангъгах зура батлдж, коммунистнр цуцрлтан угагъяр олд партин болн правительствин политикиг гӯунәр цәәлгълдж өгхиг теткх төрт йилгӯу килмджән тавджәнә.

И. СКВОРЦОВ,

КПСС-н райкомин пропагандин болн агитацин отделин заведующ.